

FINNMARKSEIENDOMMEN
FINNMÁRKKUOPMODAT



STRATEGALAŠ
PLÁNA



Strategalaš plána definere Finnmárkkuopmodaga ja FeFo hálddašeami guovddáš ulbmiliid, hástalusaid ja strategijaid Finnmárkkulága rámmaid siskkobealde. FeFos lea iešheanalaš ja ovddasvástideaddji sajádat mii lea addon Finnmárkkulága bokte. Láhka stivre oppa FeFo doaimma.

Višuvdna



Ceavzilis ja eleš Finnmárku gos ealli kultuvrrat ja luondubirrasat



Bajitdási mihttu

FeFo galgá váikkuhit ovdánahttimii mii addá vuođu bistevaččat orrut dáppe, seammás go guhkesáiggi perspektiivvain áimma-
huššá Finnmárkkuopmodaga.



Vuođđoárvvut

Ovddasvástideaddji

Finnmárkkuopmodat galgá hálddašuvvot agálašvuođa perspektiivvain boahttevaš buolvaid dihte.

Vuordevaš

FeFo guoddi prinsihppa galgá leat dássidis meannudeapmi ja vuoiggalašvuohta.

Jáhkehahtti

FeFo barggu vuođđun galgá leat láhka, ja buot barggu os-
iin galgá nanu fágalaš gelbbo-
lašvuohta ja kvalitehta.

Ovttasbargi

FeFo galgá ovttasbargat suohkaniiguin ja earáiguin, oččodit gulahallama ja leat dakkár gii oaidná čovdosiid.



Dát galgá dáhpháhuvvat rámmaid siskkobealde mat:

- vuhtiiváldet báikkálašálbmoga vuoigatvuođaid Finnmárkkulága mielde, iehčanas rivttiid ja álbmotrievtti mielde.
- sihkkarastet kulturvalljivuođa, dás maid sihke sámi ja kvena kultuvrra Finnmárkkus.
- leat vuođđuduvvon buoremus olámuttu gelbbolašvuhtii, mas árbevirolaš máhttu lea dehálaš oassi.
- leat ekonomalaččat, sosiálalaččat ja ekologalaččat guodde-
vaččat.



Guovddáš mihtut

FeFo galgá:

- leat fárus báikkálaš ovdánahttimis ja árvoháhkamis, ja ovddidit orrun- ja bissunhálu Finnmárkkus.
- Sihkkarastit meahcceresurssaid agálašvuoda perspektiivvas ja dáhkidit báikkálaš álbmoga vejolašvuoda atnit ávkki dain.
- heivehit diliid nu ahte olles Finnmárkku sámi servvodat beassá leat, ja čalmmustahttit dan.



Finnmárkkuopmodaga doaibma

FeFo galgá:

- bures gulahallat suohkaniiguin, geavaheddjiiguin ja vuoigatvuođalaččaiguin Finnmárkkuopmodaga beaivválaš hálddašeamis.
- opmodaga, rivttiid ja resurssaid fágalaččat dohkálaččat ja vuorddehahti hálddašit, man vuolggasadji lea olámuttus gelbbolašvuolta ja vásáhusat.
- sihkkarastit iešguđetge beroštumiid ollislaš árvvoštallama. Dan dihte galgá Finnmárkkuopmodat dábálaččat hálddašuvvot dohkkehuvvon areálaplánaid mielde.
- sihkkarastit Finnmárkkuopmodaga boahhtevaš buolvvaide. Dan dihte galgá eanangeavaheapmái dábálaččat dahkkot láigošiehtadus. Meahci ii galgga vuovdit.
- leat dakkár mas jierpmálaš ja vuorddehahti ekonomii ja speadjalastá ahte FeFo ieš ruhtada iežas ja ferte jurddašit guhkit áiggi vuollái. Fefo lea márkandiđolaš, muhto ii galgga leat haddemearrideaddji.
- hálddašit Finnmárkkuopmodaga nu ahte lea buot buoremussan buohkaide geat orrot Finnmárkkus ja doarjut gielddaid vuolggahemiid dalle go dat lea vejolaš.
- vuhtiiváldit guohtuneanan dárbbu mii boazoealáhusas ja eanandoalus lea, ja maid dárbbut mii lea doaimmahanveara eanandoalloareálaide.
- leat dakkár mas lea ođasmahttojuvvon doaibmaplána mii vuhtiiváldá Finnmárkkulága, ja mas strategalaš plána geavahuvo beaivválaš barggus.



Finnmárkkuopmodaga ovddideapmi

FeFo galgá:

- leat aktiivvalaš ja fitnolaš ovttasbargoguoibmi Finnmárkkuopmodaga ja dasa guoskevaš resurssaid ovdánahttimis.
- aktiivvalaččat ovttasbargat suohkaniiguin, fylkkagiieldain ja eará regionála plánaaktevrraiguin areáplánaid ráhkadeamis.
- praktiseret dan ahte areálaid ja resurssaid geavaheapmi galgá čađahuvvot gávppálaš šiehtadusaid dahje iežas doaimmaid bokte.
- váikkuhit nu ahte Finnmárkkuopmodaga resurssaid ja areálaid kommersiealla geavaheamis lea báikkálaš eaiggátvuohta ja árvoháhkkan.
- areálaid ja resurssaid ovdánahttima plánaide čadnon proseassain ovttasbargat buohkaiguin geain leat beroštumit das.

Bivdu, guolásteapmi ja meahcceresursaávkástallan

FeFo galgá:

- fuođđuid ja guliid hálddašit ceavzilit, máhttovuđot ja boahhteáiggejurdaigiin.
- hálddašeami dehálaš prinsihppan deattuhit lagasvuođa resurssaide.
- guhkesáiggi perspektiivva áimmuhuššamiin sihkkarastit Finnmárkku kulturárbbi sihke bivddus, guolásteamis ja meahcásteamis.
- áimmahuššat Finnmárkku ávkástallanárbevieruid nationála eiseválddiid ektui.
- addit álbmogii buriid vejolašvuođaid váikkuhit bivdo- ja guolástanhálddašeapmái.
- Finnmárkku álbmogii sihkkarastit meahci oktasaš geavaheami.
- leat dáhkáduššan báikkálaš ja Finnmárkku álbmogii vejolašvuhtii bivdit ja guolástit govtolaš haddái Finnmarkkulága ja bissovaš vuoigatvuođaid rámmaid siskkobealde.
- fuolahit mátkkošteaddji bivdiid ja guolásteddjiid vuoi- gatvuođaid einnostahtti vugiin ja lágaid mielde.
- bivdui, guolásteapmái ja eará árbevirolaš meahcásteapmái ovddidit rekruterema.



Servvodatovddasvástádus ja guoddevašvuohta

Biras

FeFo galgá:

- Finnmárkkuopmodaga areálaid ja resurssaid ceavzilis geavaheamis čuovvut ON guoddevašvuođamihtmeriid.
- leat fárus seailluheame biologalaš mánggabealatvuoda vuovde- ja meahcceareálaid ja eará luondduresurssaid aktiivalaš ja máhttui vuođđuduvvon hálddašemiin.
- unnidit iežas doaimma birasváikkuhusaid.
- leat fárus joksame dálkkádatmihttomeriid ná;
 - iežas doaimmain unnidit luoitimiid
 - atnit ávkki vuovddi karbonačatnamis
 - láhčit saji ođasmahtti energiijii doppe gos lea heivvolaš dan dahkat nu ahte eará beroštumit vuhtiiváldojit.



Servvodat

FeFo galgá servodataktevran:

- váikkuhit Finnmárkku servodaga positiiva ovdáneapmái.
- oainnusmahttit Finnmárkku girjáivuoda, go lea sáhka gielas, kultuvrras ja meahcásteamis.
- leat fárus nanneme gulahallama, respeavtta ja ovttas-doaibmama Finnmárkkus, kultuvrraid ja beroštumiid rastá.



Sámi kultuvra

- FeFo galgá čalmmustahttit Finnmarkku sámi servvodaga girjáivuohta ja leat fárus láhčime dilli gulahallamii gaskkal árbevirolaš meahcásteami (oktan boazodoaluin) ja eará luonddugeavaheddjiid.

Vuoigatvuođat

- Finnmarkkuopmodaga vuoigatvuohta áššiin galgá FeFo váikkuhit dasa ahte buot bealit čuvgejuvvojit buoremus lági mielde. FeFo bidjá vuodđun prinsihpa ahte «riekti galgá leat riekti» nationála rievtti rámmaid siskkobealde.

Rabasvuohta

- FeFo galgá fuolahit buriid ja rabas dieđuid álbmogii Finnmarkkuopmodaga hálddašeamis.

Mearriduvvon stivrračoahkkimis miessemánu 23. beaivvi 2024

